

06.07.2020թ.

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՈՐՈՇՈՒՄ թիվ 012588/15
ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
ԿԱՐՃԵԼՈՒ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ 02.07.2019 թվականի թիվ 12588 գործը,

ՊԱՐԶԵՑԻ

Ա/Ձ Արսեն Գրիգորյանը (ՀՎՀՀ 80972706) համաձայն ՀՀ ՊԵԿ ՓՀՎ հարկային տեսչության-վարչության 14.05.2019թ. թիվ 4110405 ակտի հսկիչ-դրամարկղային մեքենայով իրականացվող դրամական միջոցների հաշվառումը վարել է այնպիսի խախտումով, որը կարող էր առաջացնել հարկի նվազեցում:

Նկարագրված արարքի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169¹ հոդվածի 1-ին մասով:

Վարչական վարույթի շրջանակներում կողմին փոստային ծառայության միջոցով պատշաճ ծանուցում է ուղարկվել վարչական իրավախախտման վերաբերյալ արձանագրության կազմմանը և գործի քննությանը մասնակցելու համար պատշաճ ծանուցված լինելով չի ներկայացել, ինչպես նաև չի ներկայացրել գրավոր առարկություն կամ բացատրություն:

Գործի քննության ընթացքում հայտնի է դարձել, որ 13.06.2019թ-ին Արսեն Գրիգորյանը հայցադիմում է ներկայացրել ՀՀ վարչական դատարան ընդդեմ ՀՀ պետական եկամուտների կոմիտեի՝ խնդրելով անվավեր ճանաչել ՀՀ ՊԵԿ ՓՀՎ հարկային տեսչության-վարչության կողմից 14.05.2019թ կազմված թիվ 4110405 ստուգման ակտը: ՀՀ Վարչական դատարանը 14.07.2019թ-ին որոշում է կայացրել հայցադիմումը վարույթ ընդունելու մասին (թիվ ՎԴ/4464/05/19 վարչական գործը):

ՀՀ ՊԵԿ իրավաբանական վարչության պետի կողմից համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի <<ա>> կետի 02.07.2019 թվականին կայացվել է վարչական վարույթը կասեցնելու մասին որոշում:

Համաձայն ՀՀ ՊԵԿ նախագահի 26.03.2020թ-ի թիվ 56 որոշմամբ անվավեր է ճանաչվել ՀՀ ՊԵԿ ՓՀՎ հարկային տեսչություն-վարչության 14.05.2019թ. թիվ 4110405 ստուգման ակտը:

Հաշվի առնելով վերոգրյալը և նկատի ունենալով, որ բացակայում է վարչական իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 244² հոդվածով, 247-րդ հոդվածի 1-ին մասով, 281 հոդվածով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Արսեն Գրիգորյանի նկատմամբ հարուցված թիվ ——— վարչական վարույթը վերսկսել :
2. Արսեն Գրիգորյանի նկատմամբ հարուցված թիվ ——— վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ